

## **HONG LEONG AKAUN e-DEPOSIT TETAP TERMA DAN SYARAT (“T&S”)**

Terma dan syarat ini hendaklah dibaca secara keseluruhan bersama dengan [Terma dan Syarat Am Akaun untuk Deposit dan Deposit Perbankan Islam](#) serta mana-mana terma dan syarat berkaitan yang mungkin dikenakan oleh Hong Leong Bank Berhad (“HLB”) dari semasa ke semasa dengan memberi notis dalam tempoh **dua puluh satu (21)** hari terdahulu, serta kaedah dan peraturan lain yang mengikat HLB. Untuk peletakan promosi e-Deposit Tetap, [Terma dan Syarat Promosi](#) yang sesuai akan digunapakai sebagai tambahan kepada Terma dan Syarat ini.

1. Akaun e-Deposit Tetap (“Akaun eFD”) adalah akaun deposit tetap yang membenarkan pembukaan, perletakan dan pengeluaran Akaun yang akan dilaksanakan secara dalam talian melalui Perkhidmatan Perbankan Digital (“Hong Leong Connect”).

### **KELAYAKAN**

2. Akaun eFD terbuka kepada individu yang merupakan pemegang Akaun Semasa atau Simpanan Konvensional Hong Leong (“CASA”) dan telah mendaftar untuk Hong Leong Connect (“Pelanggan”). Akaun eFD tidak tersedia untuk CASA bersama.
3. Pemilikan Tunggal, Perkongsian Tidak Diperbadankan, Perkongsian Liabiliti Terhad, Badan Profesional, Kelab, Pertubuhan, Persatuan, Sekolah, Perbadanan, Organisasi Tidak Berasaskan Keuntungan dan entiti perniagaan yang lain **tidak** layak membuka atau mengendalikan Akaun eFD.

### **PEMBUKAAN AKAUN**

4. Akaun eFD hanya boleh dibuka oleh Pelanggan melalui Hong Leong Connect dan Akaun eFD akan dipautkan kepada CASA di mana perletakan deposit tetap dalam talian (“eFD”) yang pertama dibuat (“CASA Diperuntukkan”).
5. Perletakan gandaan eFD ke dalam Akaun eFD adalah dibenarkan. Walau bagaimanapun, perletakan hanya boleh dibuat antara 6:00 pagi dengan 12:00 tengah malam, **tujuh (7)** hari seminggu, atau dalam waktu yang ditetapkan oleh HLB di Hong Leong Connect. Untuk mengelakkan keraguan, peletakan eFD mesti dihantar selewat-lewatnya pada pukul 12:00 tengah malam agar peletakan diterima.
6. Perletakan eFD boleh dibuat dari CASA lain kepunyaan pelanggan dengan HLB (“Sumber CASA”) yang bukan CASA Diperuntukkan, atau melalui pemindahan dana dari bank lain melalui ‘Financial Process Exchange’ (“FPX”).
7. Perletakan bagi setiap eFD adalah untuk tempoh **satu (1)** bulan atau sehingga **dua belas (12)** bulan atau sebarang tempoh lain dan pada sebarang [kadar faedah](#) seperti yang dinyatakan dalam laman sesawang HLB di [www.hlb.com.my](http://www.hlb.com.my) (“Laman Sesawang HLB”) akan ditentukan oleh HLB pada bila-bila masa dan dari semasa ke semasa dengan memberi notis awal.
8. Minimum deposit eFD untuk tempoh **satu (1)** bulan adalah **Ringgit Malaysia Lima Ribu (RM5,000)** dan **Ringgit Malaysia Lima Ratus (RM500)** untuk eFD dengan tempoh **dua (2)** bulan dan ke atas.
9. Amaun deposit maksimum ialah **Ringgit Malaysia Dua Ratus Lima Puluh Ribu (RM250,000)** bagi setiap transaksi. Untuk perletakan melalui pemindahan FPX, amaun deposit maksimum ialah **Ringgit Malaysia Dua Ratus Ribu (RM200,000)** bagi setiap transaksi atau had Perbankan Internet individu Pelanggan yang diselenggarakan oleh bank berkenaan, mengikut mana yang lebih rendah.

10. Pemrosesan peletakan eFD mungkin mengambil masa sehingga **dua (2)** hari bekerja. Tarikh efektif peletakan eFD akan bermula selepas penempatan berjaya disempurnakan di mana Resit Transaksi Hong Leong Connect yang mengandungi butiran urus niaga penempatan eFD, akan dijana dan diemel kepada pelanggan. Resit Transaksi Hong Leong Connect adalah bukti konklusif mengenai transaksi penempatan eFD yang berjaya. Tiada resit deposit tetap akan dikeluarkan kepada Pelanggan. HLB tidak akan bertanggungjawab atas sebarang kerugian yang mungkin akan ditanggung oleh Pelanggan disebabkan masa yang diambil untuk memproses peletakan.eFD.
11. Transaksi dalam Akaun eFD juga akan direkodkan di dalam penyata akaun Sumber CASA.
12. Amaun Peletakan eFD tidak boleh digunakan sebagai cagaran untuk tujuan menjamin apa-apa kemudahan kredit yang diperolehi atau akan diperolehi oleh Pelanggan kecuali Amaun Peletakan eFD digunakan sebagai cagaran untuk menjamin Kad Kredit konvensional (iaitu Kad Credit yang dikeluarkan oleh HLB) dengan HLB. Untuk pengaturan janji tersebut, Pelanggan perlu merujuk kepada halaman produk Kad Kredit dengan Deposit Tetap.

### **FAEDAH**

13. Faedah yang diperolehi daripada eFD akan dikreditkan ke dalam Sumber CASA dan / atau CASA Diperuntukkan pada setiap bulan atau ditambah kepada amaun pokok eFD apabila matang, sebagaimana yang dipilih oleh Pelanggan semasa penempatan eFD.
14. Tiada faedah akan dibayar bagi amaun pengeluaran sebahagian dan pengeluaran pramatang eFD tanpa mengira bilangan bulan yang telah lengkap pada masa pengeluaran sebahagian/pramatang.
15. Jika faedah dibayar kepada Pelanggan sebelum tarikh matang dan Pelanggan mengeluarkan pramatang eFD, HLB berhak menolak balik faedah yang dibayar dari amaun pokok eFD pada masa pengeluaran tersebut.

### **PENGELUARAN**

16. Pengeluaran eFD hanya boleh dilakukan melalui Hong Leong Connect.
17. Semasa pengeluaran eFD, amaun pokok eFD dan faedah yang diperolehi ke atasnya (jika ada), akan dikreditkan secara automatik ke dalam Sumber CASA dan / atau CASA Diperuntukkan, seperti yang dipilih oleh Pelanggan semasa peletakan eFD.

### **PENGELUARAN SEBAHAGIAN**

18. Pengeluaran sebahagian dalam gandaan **Ringgit Malaysia Satu Ribu (RM1,000)** adalah dibenarkan sepanjang tempoh eFD, tertakluk kepada baki **minimum Ringgit Malaysia Lima Ribu (RM5,000)** sahaja dikekalkan dalam eFD sehingga tarikh matang eFD. HLB berhak meminda nilai atau kuantum pengeluaran dan / atau baki minimum untuk dikekalkan di bawahnya pada bila-bila masa dengan memberi notis awal kepada Pelanggan.
19. Faedah pada kadar ditetapkan akan terus dibayar atas baki yang masih ada dalam eFD dengan syarat eFD itu dikekalkan hingga tarikh matang.
20. Pengeluaran sebahagian eFD bagi baki kurang daripada **Ringgit Malaysia Lima Ribu (RM5,000)** ke bawah adalah tidak dibenarkan. Pengeluaran eFD sedemikian akan dianggap pengeluaran pramatang seluruh eFD.

### **PEMBAHARUAN**

21. Pelanggan hendaklah memilih arahan pembaharuan semasa perletakan setiap eFD melalui Hong Leong Connect.
22. Jika ruang 'Auto Renewal' yang dipilih adalah 'Yes', perletakan akan diperbaharui secara automatik untuk tempoh yang sama pada faedah semasa pada tarikh pembaharuan eFD yang matang tersebut..
23. Jika ruang 'Auto Renewal' yang dipilih adalah 'No', maka perletakan tidak akan diperbaharui secara automatik dan akan dikreditkan secara automatik ke dalam Sumber CASA dan / atau CASA Diperuntukkan pada tarikh matang eFD berkenaan..

### **UMUM**

24. HLB berhak pada bila-bila masa dengan memberi notis awal **dua puluh satu (21)** hari kalendar untuk menambah, menggugurkan, menggantung atau mengubah mana-mana atau semua terma dan syarat yang terkandung di sini, sama ada menyiarkannya dalam Laman Sesawang HLB, atau dengan apa-apa cara yang dianggap sesuai oleh HLB. Pelanggan bersetuju untuk mengakses Laman Sesawang HLB dari semasa ke semasa untuk menyemak Terma dan Syarat dan sentiasa mengikuti perubahan atau pindaan kepada terma dan syarat.
25. Jika terdapat percanggahan antara terma dan syarat dengan [Terma dan Syarat Am Akaun bagi Deposit dan Deposit Perbankan Islam](#), maka terma dan syarat ini akan diterima pakai.
26. Terma & Syarat ini tertakluk kepada dan ditafsirkan selaras dengan undang-undang Malaysia dan Pelanggan bersetuju untuk akur kepada bidang kuasa Mahkamah-mahkamah di Malaysia.

**Dilindungi oleh PIDM setakat RM250,000 bagi setiap pendeposit.**